



# Mesiras per interpresas en cas da direzza en connex cun COVID-19 Factsheet per interpresas fundadas tranter il 1. da mars ed ils 30 da settember 2020

---


## Premissas generalas ed infurmaziuns

Respostas davart las premissas generalas ed ulteriuras infurmaziuns davart las mesiras per cas da direzza chattais Vus en l'internet en il [Helpcenter dad easygov.ch](https://www.helpcenter.dad.easygov.ch) u sut [www.seco.admin.ch](https://www.seco.admin.ch) → Arbeit → Neues Coronavirus → Härtefallmassnahmen → Fragen und Antworten

Da princip valan il "[Factsheet davart las mesiras per cas da direzza](#)" ed il "[Factsheet davart la calculaziun da las contribuziuns](#)". Ultra da quai valan per tschertas interpresas il "[Factsheet per il commerzi en detagl](#)" sco er il "Factsheet per interpresas cun ina svieuta annuala da passa 5 milliuns francs".

## Premissas per interpresas

Er per interpresas ch'èn vegnidas fundadas dal 1. da mars 2020 fin ils 30 da settember 2020 valan las premissas enconuschentas tenor la grafica qua sutvart.



## Calculaziun da la svieuta da l'onn precedent

Per interpresas ch'èn vegnidas fundadas tranter il 1. da mars ed ils 30 da settember 2020 furma **la svieuta a partir da la fundaziun** (resp. dal cumenzament da l'activitad commerziala) **fin ils 31 da december 2020** (calculada sin 12 mais) la **svieuta decisiva da l'onn precedent**.

- Calculaziun:  $(\text{svieuta da la fundaziun fin ils 31 da december 2020}) / (\text{dumber dals mais da gestiun}) \times 12$
- En il chantun Grischun han tschertas interpresas puspè stuì serrar a partir dal december 2020. Quest lockdown 2.0 vegn resguardà en la calculaziun da la svieuta da l'onn precedent, uschenavant che l'interpresa è pertutgada da quai.
- La svieuta decisiva da l'onn precedent vala per la limita da svieuta minimala da 50 000.– francs ch'ina interpresa sto cuntanscher per survegnir agid per cas da direzza e per la limita da contribuziun da 20 %.

## Calculaziun da la perdita da la svieuta (ipotetica e procentuala)

La perdita da la svieuta ipotetica e procentuala vegn eruida cun cumparegliar la **svieuta decisiva da l'onn precedent** (che vegn eruida cun ina calculaziun approximativa sin 12 mais) cun la **svieuta da la perioda da cumparegliaziun decisiva, calculada sin 12 mais**.

Sco **svieuta da la perioda da cumparegliaziun decisiva** vala la svieuta a partir da la fundaziun (resp. dal cumenzament da l'activitad commerziala) fin ils 30 da mars 2021, calculada sin 12 mais.

- Calculaziun da la perdita da la svieuta ipotetica:  $(\text{svieuta da l'onn precedent}) - (\text{svieuta da la fundaziun fin ils 31 da mars 2021}) / (\text{dumber da mais da la fundaziun fin ils 31 da mars 2021}) \times 12 = \text{perdita da la svieuta ipotetica}$

- Calculaziun da la perdita da la svieuta procentuala: perdita da la svieuta ipotetica / svieuta da l'onn precedent x 100
- La perdita da la svieuta procentuala vala per las limitas minimalas da 15 % u > 40 % perdita da la svieuta ch'ina interpresa sto subir per avair il dretg da survegnir agid per cas da direzza.

## Calculaziun da las contribuziuns sin basa da la perdita da la svieuta efectiva

La basa per calcular las contribuziuns è la perdita economica da l'interpresa. La perdita economica correspunda a la part da custs fixes da la **perdita da la svieuta efectiva**.

Per eruir la **perdita da la svieuta efectiva** vegn la perdita da la svieuta ipotetica dividida tras 12 e multiplitgada cun il dumber da mais da la perioda da cumparegliaziun (fundaziun fin 31 da mars 2021).

- $(\text{Perdita da la svieuta ipotetica}) / 12 \times (\text{dumber da mais da la perioda da cumparegliaziun}) = \text{perdita da la svieuta efectiva}^*$

\*Remartga: Per calcular la perdita da la svieuta efectiva po alternativamain la svieuta da l'onn precedent vegnir reducida al dumber da mais da la perioda da cumparegliaziun; da quai vegn deducida la svieuta da la perioda da cumparegliaziun.

$(\text{Svieuta da l'onn precedent} / 12) \times (\text{dumber da mais da la perioda da cumparegliaziun}) - (\text{svieuta da la perioda da cumparegliaziun}) = \text{perdita da la svieuta efectiva}$

La contribuziun importa 75 % da la perdita economica (quella correspunda a la part da custs fixes pauschala resp. calculada individualmain, multiplitgada cun la perdita da la svieuta efectiva).

- Cun quai èn indemnisadas las perditas da la svieuta fin il mars 2021.
- Davart agids per cas da direzza en cas da perditas da la svieuta a partir dal 1. d'avrigl 2021 e d'ulteriurs mais vegni infurmà a temp util.

## Exempels da calculaziun

Exempel: Interpresa A (gastronomia) cun ina part pauschala da custs fixes da 30 %. Fundaziun il 1. da zercladur 2020, svieuta a partir da la fundaziun fin la fin da l'onn 2020: 120 000.– fr., svieuta a partir da la fundaziun fin ils 30 da mars 2021: 135 000.– fr. Serrà uffizialmain a partir dal december 2020 (il december na vegn pia betg resguardà tar la svieuta da l'onn precedent; la perdita da la svieuta sto importar almain 15 %).

Svieuta da l'onn precedent: svieutas zercladur 2020 fin november 2020 (6 mais), extrapoladas sin 12 mais

Perioda da cumparegliaziun: zercladur 2020 fin mars 2021 (10 mais)

Svieuta decisiva da l'onn precedent (120 000.– fr. / 6) x 12	240 000.– fr.	
./. svieuta decisiva da la perioda da cumparegliaziun (135 000.– fr. / 10) x 12	- 162 000.– fr.	
<hr/>		
Perdita da la svieuta ipotetica	78 000.– fr.	(= 32,5 %)
<hr/>		
*Perdita da la svieuta decisiva (78 000.– fr. / 12) x 10	65 000.– fr.	

Da quai part da custs fixes da 30 %	x 0,3
<b>Perdita economica decisiva</b>	<b>19 500.– fr.</b>

Perdita economica decisiva	19 500.– fr.
Da quai tariffa da contribuziun da 75 %	x 0,75
<b>Contribuziun dal chantun</b>	<b>14 625.– fr.</b>

*\*Remartga:* La perdita da la svieuta efectiva po er vegnir calculada sco suonda: (svieuta da l'onn precedent / 12) x 10 (= 200 000.– fr.) minus svieuta da la perioda da cumparegliaziun (135 000.– fr.) = 65 000.– fr.

*Exempel:* Interpresa B (furnitur e commerziants) cun ina part da custs fixes individuala da 15 % e cun ina part da custs da personal da 15 %. Fundaziun il 1. da settember 2020, svieuta a partir da la fundaziun fin ils 30 da december 2020: 205 000.– fr., svieuta a partir da la fundaziun fin ils 30 da mars 2021: 210 000.– fr. L'interpresa n'è betg vegnida serrada uffizialmain. Pervia da quai è necessaria ina perdita da la svieuta da passa 40 % per il dretg da survegnir agid per cas da direzza.

Svieuta da l'onn precedent: svieutas settember 2020 fin december 2020 (4 mais), extrapoladas sin 12 mais  
Perioda da cumparegliaziun: settember 2020 fin mars 2021 (7 mais)

Svieuta decisiva da l'onn precedent (205 000.– fr. / 4) x 12	615 000.– fr.	
./. svieuta decisiva da la perioda da cumparegliaziun (210 000.– fr. / 7) x 12	- 360 000.– fr.	
<b>Perdita da la svieuta ipotetica</b>	<b>255 000.– fr.</b>	<b>(= 41,4 %)</b>
<i>*Perdita da la svieuta decisiva (255 000.– fr. / 12) x 7</i>	<i>148 750.– fr.</i>	
Da quai part da custs fixes (15 %) vi da la perdita da la svieuta efectiva	22 312.50 fr.	
+ 20 % da la part da custs da personal (15 %) vi da la perdita da la svieuta efectiva	+ 4 462.50 fr.	
<b>Perdita economica decisiva</b>	<b>26 775.– fr.</b>	
Perdita economica decisiva	26 775.– fr.	
Da quai tariffa da contribuziun da 75 %	x 0,75	
<b>Contribuziun dal chantun</b>	<b>20 081.25 fr.</b>	

*\*Remartga:* La perdita da la svieuta efectiva po er vegnir calculada sco suonda: (svieuta da l'onn precedent / 12) x 7 (= 358 750.– fr.) minus svieuta da la perioda da cumparegliaziun (210 000.– fr.) = 148 750.– fr.

Cuira, ils 19 d'avrigl 2021